

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj 21/23, 4/24 i 12/24), na prijedlog Ministarstva zdravstva, Vlada Zeničko-dobojskog kantona, na 70. sjednici, održanoj dana 07.03.2025. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini

Član 1. (Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini („Službene novine Zeničko-dobojskog kantona“, broj: 8/24), koji čini sastavni dio ove odluke.

Član 2. (Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-4060/25
Datum, 07.03.2025. godine
Zenica

PREMIJER

Nezir Pivić

DOSTAVLJENO:
1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a

IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA MINISTARSTVA ZDRAVSTVA NA POZICIJI „TEKUĆI TRANSFER ZA UDRUŽENJA IZ OBLASTI ZDRAVSTVA“ U 2024. GODINI

I Uvod

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: : 21/23, 4/24 i 12/24), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614300, pozicija „Tekući transferi neprofitnim organizacijama“, koristit će se prema programima utroška i aktia koje donosi Vlada Kantona. Članom 46. stav (4) Zakona o izvršavanju Budžeta Zeničko-dobojskog kantona za 2024. godinu propisana je obaveza organa uprave da po usvojenom programu potrošnje sredstava iz člana 33. stav (2) navedenog Zakona, polugodišnje izvještava Vladu Kantona.

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23,12/24 i 24/24) planirana su sredstva u iznosu 50.000,00 KM na poziciji Tekući transferi udruženjima iz oblasti zdravstva, ekonomski kod 614300, subanalitika LAX017.)

Vlada Zeničko-dobojskog kantona Odlukom broj: 02-11-7295/24 od 09.04.2024. godine usvojila je Program utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini u iznosu od 50.000,00 KM.

Ministarstvo zdravstva Zeničko-dobojskog kantona raspisalo je Javni poziv za odabir projekata udruženja građana iz oblasti zdravstva – maligna oboljenja koja će se finansirati/sufinansirati iz Budžeta Zeničko-dobojskog kantona za 2024. godinu, koji je objavljen 17.07.2024. godine na službenoj stranici Vlade Zeničko-dobojskog kantona (www.zdk.ba) i 18.07.2024. godine u dnevnim novinama „Dnevni avaz“.

Obzirom da planirana sredstva po ovom Javnom pozivu nisu utrošena u cijelosti Ministarstvo zdravstva Zeničko-dobojskog kantona raspisalo je Ponovni javni poziv za odabir projekata udruženja građana iz oblasti zdravstva – maligna oboljenja koja će se finansirati/sufinansirati iz Budžeta Zeničko-dobojskog kantona za 2024. godinu a koji je objavljen 01.10.2024. godine na službenoj stranici Vlade Zeničko-dobojskog kantona (www.zdk.ba) i 02.10.2024. godine u dnevnim novinama „Dnevni avaz“.

Članom 46. stav (4) Zakona o izvršavanju Budžeta Zeničko-dobojskog kantona za 2024. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

**II Realizacija Programa utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini
(planirana sredstva 50.000,00 KM)**

Ukupni rashodi po osnovu „Tekućeg transfera za udruženja iz oblasti zdravstva“u periodu januar-decembar 2024. godine iznose 49.999,99 KM, što je 100,0% sredstava planiranih Budžetom Zeničko-dobojskog kantona za 2024. godinu.

Nakon provedenog javnog poziva od 17.07.2024. godine Vlada Kantona, na prijedlog Ministarstva zdravstva donijela je Odluku o odobravanju sredstava udruženjima građana iz oblasti zdravstva – maligna oboljenja broj: 02-11-14734/24 od 23.08.2024. godine kojom su odobrena sredstva u iznosu 19.114,99 KM za realizaciju programskih aktivnosti sljedećih udruženja:

Red br.	Naziv udruženja	Iznos sredstava koji je finansiran iz Budžeta Zeničko-dobojskog kantona za 2024. godinu
1.	Udruženje građana „Život“ Zenica	9.688,20 KM
2.	Udruženje žena oboljelih i liječenih od tumora dojke i drugih tumora „Budućnost-ZA“ Zavidovići	5.266,79 KM
3.	Udruženje žena oboljelih od tumora dojke i drugih malignih oboljenja „Snaga žene“ Maglaj	4.160,00 KM
	UKUPNO	19.114,99 KM

Sredstva odobrena odlukom transferisana su u na žiro-račune udruženja dana 03.09.2024. godine.

Nakon provedenog javnog poziva od 01.10.2024. godine Vlada Kantona, na prijedlog Ministarstva zdravstva donijela Odluku o odobravanju sredstava udruženjima građana iz oblasti zdravstva – maligna oboljenja broj: 02-11-19126/24 od 15.11.2024. godine kojom su odobrena sredstva u iznosu 30.885,00 KM za realizaciju programskih aktivnosti sljedećih udruženja:

Red br.	Naziv udruženja	Projektne aktivnosti koje su finansirane iz Budžeta Zeničko-dobojskog kantona za 2024. godinu	Ukupan iznos odobrenih sredstava
1.	Udruženje žena oboljelih od karcinoma „Srcem zajedno“ Visoko	Nabavka pomagala - 7.000,00 KM Nabavka suplemenata - 1.000,00 KM Troškovi nabavke laptopa i štampača -1.500,00 KM	9.500,00 KM
2.	Udruženje žena oboljelih i liječenih od raka dojke „Biram život“ Žepče	Nabavka pomagala - 4.000,00KM Nabavka suplemenata - 4.000,00 KM Troškovi angažmana predavača - 500,00 KM	8.500,00 KM
3.	Udruženje onkoloških pacijenata „Snop“ Zenica	Troškovi organizovanja okruglog stola na temu „Inicijativa za	4.500,00 KM

		unapređenje onkoloških i radioloških kapaciteta u Zenici - 3.500,00 KM	
		Izrada web stranice udruženja - 1.000 KM	
4.	Udruženje građana „Ona je svjetlost“ Kakanj	Nabavka pomagala – 4.000,00 KM Troškovi angažmana predavača i pružanje psihosocijalne podrške – 1.485,00 KM	5.485,00 KM
5.	Udruženje oboljelih od multiplog mijeloma, mjelodisplastičnog sindroma i drugih rijetkih krvnih bolesti Zavidovići	Kreiranje digitalne i štampane platforme za informisanje (brošure, online priručnik)	2.900,00 KM
UKUPNO			30.885,00 KM

Sredstva odobrena odlukom transferisana su u na žiro-račune udruženja dana 06.12.2024. godine.

U skladu sa članom 4. Odluke o odobravanju sredstava broj: 02-11-14734/24 od 23.08.2024. godine i članom 4. Odluke o odobravanju sredstava broj: 02-11-19126/24 od 15.11.2024. godine korisnici dodijeljenih sredstava dužni su Ministarstvu zdravstva dostaviti izvještaj o namjenskom utrošku sredstava do 28.02.2025. godine.

Do izrade ovog izvještaja sljedeća udruženja su Ministarstvu zdravstva dostavila izvještaje o namjenskom utrošku sredstava:

1. Udruženje žena oboljelih i liječenih od tumora dojke i drugih tumora „Budućnost-ZA“ Zavidovići- dopis od 15.11.2024. godine,
2. Udruženje građana „Život“ Zenica-dopis od 12.12.2024. godine,
3. Udruženje žena oboljelih od tumora dojke i drugih malignih oboljenja „Snaga žene“ Maglaj-dopis od 03.01.2024. godine
4. Udruženje žena oboljelih od karcinoma „Srcem zajedno“ Visoko- dopis od 13.01.2025.godine i
5. Udruženje onkoloških pacijenata „Snop“ Zenica-dopis od 11.02.2025. godine.

Zenica, 25.02.2025. godine

MINISTRICA

dr Aida Salčinović